



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

CXL. Cinfirmantur nonnulla Decreta in Capitulo Provinciali Ord. Fratrum  
eremitarum S. Augustini edita super Privilegiis, quibus frui debeant  
antiquiores Doctores Provinciæ Bethicæ ejusdem Ord. in ...

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)



Lituanam nuncupandam erexit cum assignatione nonnullorum Conventuum, Monasteriorum, ac residentiarum, a primordiana Provincia separatorem & dismembratorum, & alias, prout uberius continetur in Decreto ejusdem Capituli Generalis desuper emanato, tenoris, qui sequitur, videlicet:

Dubium  
propositum  
in Capitulo  
Generali.

Propositum fuit, utrum dividenda esset Provincia Poloniæ in duas Provincias, nempe Poloniam & Lituanam, assignando Provinciam Lituanicam erigendam sub titulo S. Casimiri sequentes Conventus tam Fratrum quam Monialium, videlicet Conventum Poshnaniensem sub titulo SS. Joseph & Theresiæ, & Monasterium Monialium ibidem existentium sub titulo S. Mariæ de Monte Carmelo: Conventum Varsaviensem sub titulo Assumptionis Beatæ Virginis, & Monasterium Monialium ibidem existentium sub titulo Assumptionis Beatæ Virginis Mariæ: Conventum Vilensem sub titulo Sanctæ Matris nostræ Theresiæ, & Monasterium Monialium ibidem existentium sub titulo Sanctæ Matris nostræ Theresiæ: Conventum Slemboecensem sub titulo Assumptionis Beatæ Virginis Mariæ: Conventum Grodnensem sub titulo Sanctæ Crucis, & alias residentias in Magno Ducatu Lituaniæ, nempe Connensem, & aliam sitam post Fluvium Villia dictum, cum omnibus bonis mobilibus & immobilibus, redditibus, scripturis, instrumentis, actis, & aliis quomodocumque ad prædictos Conventus & Residentias quocumque titulo & ubique locorum cum suis juribus & oneribus pertinentibus.

Responso  
affirmativa.

Responsum affirmative cum omnibus suffragiis.

Provincia  
Poloniæ S.  
Spiritus  
fines.

Itaque Provincia Polona Sancti Spiritus divisa est in Ven. Capitulo Generali celebrato Romæ in Conventu Sanctæ Mariæ de Scala die 14. Maji Anno Domini 1734. suffragantibus omnibus votis RR. PP. Gremialium in duas Provincias, quarum Conventus Religiosorum sunt quatuordecim, Residentiæ quatuor, Monialium octo. Ex quibus in antiqua Provincia Sancti Spiritus manent novem scilicet Conventus, Cracoviensis sub titulo Immaculatæ Conceptionis Beatæ Mariæ Virginis, Lublinskiensis Beatæ Mariæ Virginis de Monte Carmelo, Leopoliensis Sancti Michaelis Archangeli, Cracoviensis SS. Michaelis & Joseph, Premisliensis S. M. N. Theresiæ, Viskiencensis SS. Salvatoris, S. Eremi, S. Eliæ, Viskiencensis S. Michaelis Archangeli: Monialium autem quinque scilicet Cracoviensis, S. Martini, Lublinskiensis, S. Joseph Sublinskiensis Immaculatæ Conceptionis Beatæ Mariæ Virginis, Leopoliensis S. Spiritus, Cracoviensis S. M. N. Theresiæ, & S. P. N. Joannis a Cruce.

In nova vero Provincia erecta sub titulo Sancti Casimiri

Fines alterius  
novæ  
Provinciæ.

Manent quinque Conventus, videlicet, Poshnaniensis sub titulo SS. Joseph & Theresiæ, Vilenensis Sanctæ Matris Nostræ Theresiæ, Varsaviensis Assumptionis Beatæ Mariæ Virginis & S. Joseph, Glemboecensis Assumptionis Beatæ Mariæ Virginis, Grodnensis Sanctæ Crucis: Residentiæ vero duæ, nimirum Caunensis Jesu Mariæ & Joseph, Lavilinskiensis Sanctæ Matris Nostræ Theresiæ; Monialium autem tres, scilicet Varsaviensis Assumptionis Beatæ Mariæ Virginis, Poshnaniensis Beatæ Mariæ Virginis de Monte Carmelo, Vilenensis Sanctæ Matris nostræ Theresiæ.

§. 2. Cum autem, sicut eadem expositio subjungebat, ipse Procurator Generalis, præmissa, quò firmius subsistant ac serventur exactius, Apostolica confirmationis nostræ patrocinio communitri summopere desideret; Nos dictum Procuratorem Generalem specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum a memorato Capitulo Generali factum, ut præfertur, cum omnibus & singulis in eo contentis, auctoritate Apostolica tenore præsentium confirmamus & approbamus, illique inviolabilis Apostolicæ firmitatis robur adjicimus, ac omnes & singulos juris & facti defectus, si qui desuper quomodolibet intervenerint, supplemus.

§. 3. Decernentes, easdem præsentem litteras semper firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat, & pro tempore spectabit, in omnibus & per omnia plenissime suffragari, & ab eis respective inviolabiliter observari; sicque in præmissis per quoscumque Judices ordinarios & delegatos, etiam Casarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Præsentium  
Literarum  
firmitas.

§. 4. Non obstantibus Constitutionibus & Ordinationibus Apostolicis; necnon, quatenus opus sit, Ordinis ac Provincie Poloniæ, Conventuum & Monasteriorum prædictorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis; Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanens, ad præmissorum effectum hac vice dumtaxat specialiter & expresse derogamus, ceterisque contrariis quibuscumque.

Obstantium  
derogatio.

Datum Romæ apud Sanctam Mariam Majorem sub Annulo Piscatoris die 7. Junii 1734. Pontificatus Nostri Anno Quarto.

F. Card. Oliverius.

Confirmantur nonnulla Decreta in Capitulo Provinciali Ordinis Fratrum Eremitarum Sancti Augustini edita super Privilegiis, quibus frui debeant antiquiores Doctores Provincie Bethicæ ejusdem Ordinis in Hispanensi Universitate promoti, vel in posterum promovendi.

CXL.



## C L E M E N S P A P A X I I .

*Ad futuram rei memoriam.*Supplicis  
Libelli re-  
nor; cum  
Decretorum  
enumeratio-  
ne.

§. 1. **E**Xponi Nobis nuper fecit dilectus filius Didacus Salinas, Assistentis Generalis Hispaniæ, ac Procurator Provinciæ Bethicæ Ordinis Fratrum Eremitarum Sancti Augustini, quod dilecti filii Definitores dictæ Provinciæ in eorum Capitulo Provinciali mense Aprilis 1733. celebrato, animadvertens, Universitatem Studii Generalis, in Civitate Hispalensi dudum erectam, inter cæteras totius Hispaniæ Universitates ejusdem percelebrem, atque intra fines ejusdem Provinciæ præcipuam existere, multumque splendoris & ornamentum Ordini & Provinciæ præfatis afferri, quod istius filii ac Religiosi Doctoratus laurea in Universitate prædicta decoretur, quoad oppositiones, ut vocant, seu concursus pro publicis lectionibus in ipsa Universitate assequendis idonei reddantur: simulque attendentes, quod Fratres Provinciæ Castellæ ejusdem Ordinis his de causis, & ut illius Fratres aliquo honoris incitamento ad rigorosum examen, literarioque labores pro ejusmodi gradu consequendo alacrius subeundos excitarentur, aliàs obtinuerunt a Capitulo Generali ipsius Ordinis, anno 1685. habito, decretum inter acta dicti Capituli Generalis relatum, atque a se. re. Innocentio PP. XI. Prædecessore Nostro per quasdam suas in simili forma Brevis die 30. Aprilis 1685. expeditas literas confirmatum, quod quatuor in Salamantina, & tres in Complutensi studiorum itidem generalium Universitatibus antiquiores Doctores Provinciæ Castellæ præfata inter Magistros supradicti Ordinis adnumerandi forent, atque omnibus privilegiis, honoribus, gratiis, & indultis, quibus juxta ejusdem Ordinis Constitutiones, dictæque Provinciæ Castellæ statuta ac consuetudinem alii Magistri potiebantur & gaudebant, similiter potiri & gaudere deberent; ipsi Definitores Provinciæ Bethicæ hoc exemplo ac iisdem causis & rationibus adducti decreverunt, ut Prior Provincialis nomine dictæ Provinciæ Bethicæ coram Nobis staret, quatenus memoratum indultum antiquioribus Doctoribus dictæ Provinciæ Castellæ concessum, ad Doctores pariter antiquiores ipsius Provinciæ Bethicæ, in Universitate Hispalensi præfata jam promotos, ac deinceps promovendos, extendere vellemus, cum his tamen conditionibus ac declarationibus: Primo, quod nullus ex dictæ Provinciæ Bethicæ Fratribus ad gradum Doctoratus in eadem Universitate Hispalensi promoveri possit, nisi de licentia Prioris Generalis dicti Ordinis pro tempore existentis, ut præscribunt præfata Constitutiones par. 5. cap. 4. & 7. Secundo, quod nullus Doctor in dicta Universitate Hispalensi Magistri privilegia obtinere incipiat, antequam expleto suæ lectionis tempore, a Definitorio Provinciæ, sive in Capitulo Provinciali, aut Congregatione intermedia, Lector jubilatus declaratur, aut saltem post sex annos lectionis Philosophiæ, & sacre Theologiæ in majori Conventu Hispalensi, munus Regentis per triennium laudabiliter expleverit; & tunc absque novo examine, & alia gradu susceptione, istiusmodi Doctores Magisterii privilegiis gaudere incipiant, & uti Magistri a Priore Provinciali pro tempore existentis in libro, in quo ceteri describuntur Magistri, adnotentur, & ex tunc demum, non autem secundum tempus suscepti Doctoratus, eorum antiquitas inter Magistros Ordinis computetur. Tertio, quod sicuti ad e-

vitandam confusionem, quæ ex multitudine Magistrorum decursu temporis oriri posset, pro dicta Provinciæ Castellæ statutum fuit, quatuor tantum Salamantinæ, tres vero Complutensis Universitatum prædictorum antiquiores Doctores tali indulto frui debere; ita in ipsa Provinciæ Bethicæ tres dumtaxat iidem antiquiores dictæ Universitatis Hispalensis Doctores Magisterii privilegiis fruuntur; reliqui autem, si qui fuerint, quamvis cæteris qualitatibus mox recensitis præditi reperiantur, illa minime obtineant, quousque per alicujus ex dictis tribus Doctoribus antiquioribus cessum vel decessum eis locus fiat secundum ordinem suæ antiquitatis, & aliàs, prout in Decreto per dictos Definitores desuper edito, cujus tenorem præsentibus pro plene & sufficienter expresso haberi volumus, uberius dicitur contineri.

§. 2. Cum autem, sicut eadem expositio subjungebat, præmissa supradicto Decreto Capituli Generalis anni 1685., quod Constitutionibus Ordinis præfatis insertum reperitur, apprimè consonent, & a dilecto filio moderno Priore Generali ejusdem Ordinis, ejusque Congregatione die 18. Junii anni proxime præteriti approbata fuerint, petitaque extensio indulti septem Doctoribus Provinciæ Castellæ concessi, ad solos tres antiquiores prædictæ Provinciæ Bethicæ restricta & limitata sit; Nobis propterea prædictus Didacus humiliter supplicari fecit, ut in præmissis opportune providere, & ut infra, indulgere de benignitate Apostolica dignaremur. Nos igitur ejusdem Didaci votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, enarratum indultum, Septem Doctoribus antiquioribus Provinciæ Castellæ in Universitatibus Studiorum Generalium Salamantina & Complutensi respective promotis, sicut præmittitur, concessum, ad tres dumtaxat antiquiores Doctores Provinciæ Bethicæ Fratrum dicti Ordinis Eremitarum Sancti Augustini in Universitate studii Generalis Hispalensis nunc & pro tempore graduatos, servatis tamen conditionibus & declarationibus supradictis, itaut iidem tres antiquiores Doctores inter Magistros Ordinis prædicti adnumerentur, & uti tales habeantur, omnibusque privilegiis, favoribus, prærogativis, gratiis, & indultis potiantur & gaudeant, potiri & gaudere debeant, quibus ceteri in eadem Provinciæ Bethicæ Magistri de jure, usu & consuetudine potiuntur & gaudent, aut potiri & gaudere possunt & poterunt quomodolibet in futurum, auctoritate Apostolica tenore præsentium extendimus & ampliamus.

§. 3. Decernentes, easdem præsentis literas semper firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, in omnibus & per omnia plenissime suffragari, & ab eis respective inviolabiliter observari; Sicque in præmissis per quoscumque Judices ordinarios & delegatos, etiam causarum Palatii Apostolici Auditores, judicari & diffiniri debere; ac irritum & inane, si secus super hiis a quocumque quavis auctoritate scienter vel ignoranter contigerit attentari.

Prædicta  
Decreta con-  
firmantur.

Clausula.



§. 3. Non obstantibus præmissis, ac Constitutionibus & Ordinationibus Apostolicis, necnon Provincia Bethicæ & Ordinis præfatorum, aliisve quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficien-

ter expressis ac de verbo ad verbum insertis habentes, illis aliàs in suo robore permanfuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 26. Junii 1734. Pontificatus Nostri Anno Quarto.

F. Card. Oliverius.

F I N I S .

